


百川學海

續二十七  
二十六

小名錄  
侍兒小名錄  
麟書  
尤射  
煎茶水記



漢書門				
三	一	三	四	五
冊	架	函	號	類

內閣文庫			
三	一	三	四
七	〇	函	架
冊	架	函	架

內閣文庫	
番號	漢 3145
冊數	31(26)
函號	370 38

辛集 三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



小名錄

唐 陸龜蒙著

明蔡仁洽閱文庫

娥姁

漢皇后名娥姁


戊兒

武帝即位尊太后母戊兒為平原君

太孫

成帝名鶯元帝之子以宣帝之世生於甲觀畫堂號曰世嫡皇孫皇帝愛之因曰太孫常置左右

小名錄



犬子

司馬相如字長卿母少字之曰犬子長好讀書學擊劍慕蘭相如乃更名

童烏

揚雄之子小字童烏九歲與子雲論玄

匡鼎

匡衡字稚圭少勤學家貧邑有大姓文不識家富墳籍衡乃爲客作而不求直主人怪問衡曰願得主人書徧觀之主人感嘆遂給書衡能說詩時人語曰無

說詩匡鼎來匡說詩解人願鼎衡小字也其畏眼如此

緹縈

齊太倉令淳于公有罪當刑以無子爲嘆少女緹縈感激上書願沒入官婢以贖父刑天子憐其意爲除肉刑改定律令

陳持弓

成帝元始中有渭城小女陳持弓年九歲走入城門入未央宮內尚方掖庭殿門門者莫見至鉤盾林

乃覺

阿嬌

初武帝為太子時長公主欲以女配帝帝尚小長公主指女問帝曰得阿嬌好不帝曰若得阿嬌作婦當以金屋貯之公主大喜乃以配帝是曰陳后阿嬌小字也

劉秀

東漢世祖諱秀字文叔初南頓君為濟陽令而世祖生是歲嘉禾生縣界大熟因名秀

按此即小名也當時尚質長遂不復

改故識言劉秀作天子于是世祖亦自負焉

聖通

皇后郭氏真定人父昌真定恭王以女妻昌昌早終其妻號曰郭主好禮節儉以王女之富手常操作女曰聖通有寵生皇子強况以為城門校尉封綿曼侯况皇后弟也賞賜甚厚京師號為金穴

班昭

班昭字惠姬曹世叔妻彪之女也大家集云父為陳畱長大家隨至作東征賦

阿瞞

魏武帝曹操字孟德一小名阿瞞故有曹瞞傳南陽許攸字子遠少與袁紹及太祖善官渡之役攸諫紹勿與太祖爭紹不從乃往詣太祖紹破走及後得冀州攸有功焉攸恃勲勞時與太祖相戲每在座席不自限至呼太祖小字曰阿瞞卿不得我不得冀州太祖笑曰汝言是也

女王

文德郭皇后少清慧父永奇之曰吾此女女中王遂以女王爲字早失二親遭難流離在銅鞮侯家太祖爲魏公時得入東宮文帝所愛

薛靈芸

美人姓薛名靈芸靈芸年十七容貌絕世時文帝選良家子以入六官靈芸別父母升車以玉唾壺承淚壺皆紅色帝遣文車十乘以迎靈芸芸去京十里帝乘雕玉之輦以望車徒之盛嗟曰昔言朝爲行雲暮爲行雨今非雲非雨非朝非暮因易名爲夜來夜來妙於針工非夜來我則帝不服也官中號爲針神

小同

關內侯鄭小同玄之孫也玄別傳曰玄有子爲孔融  
吏舉孝廉融之被圍往赴爲賊害有遺腹子以丁卯  
月生而玄以丁卯歲生命之曰小同長遂名焉

萬億

李通字文達江夏平春人也小字萬億勇冠三軍爲  
太祖所知卒謚剛侯

寇奴

臧霸字宣高泰山人也聞黃巾起霸從陶謙擊破之  
拜騎都尉遂收兵於青徐間與孫觀吳敦尹禮並聚  
衆霸以兵助呂布布敗歸太祖太祖善之霸一名寇  
奴孫觀名嬰子吳敦名黯奴尹禮名盧兒觀官至青  
州刺史從征孫權爲矢貫足力戰不顧

曹爽

曹爽之專政也其黨何晏鄧颺丁謚爽敬之言無不  
從於時謗書謂臺中三狗二狗崖柴不可當一狗憑  
點作狙囊三狗謂何鄧丁點爽小字其意言三狗皆  
欲齧人者

紡績

孫權末臨海羅陽縣有神自稱王表

羅陽今之安國

周旋民

間言語飲食與人無異然不見其形有一婢名紡績

權遣中書郎李崇齋輔國將軍羅陽王印綬迎表表

隨崇俱出所歷山川遣紡績與神相聞崇與表至權

立第舍于蒼龍門外數使近臣齋酒往表問水旱小

事往往奇中

彭祖

後主孫皓字元宗一名彭祖字皓宗或云彭祖小字

也

阿斗

蜀後主禪小字阿斗孟達與劉封書曰自立阿斗以

來可為寒心

南風

晉愍太子名遹字熙祖惠帝長子娉王衍小女字惠

風其將廢也有童謠曰南風烈烈吹白沙南望魯國

鬱鬼峩千歲髑髏上齒牙南風賈后小字也白晉行

沙門太子小字曾賈謚國言太子遭賈后與謚相危

之酷也

桃符

齊獻王攸字猷少岐嶷及長清和平易親賢好施愛  
經籍能屬文善尺牘世推才望出武帝之右景帝無  
子命立為嗣及帝崩攸年十歲哀動左右武帝踐阼  
臨朝時病創攸總統軍事撫寧內外莫不景附焉初  
獻王寵攸每見輒撫床呼其小字曰此桃符座幾為

太子者數矣

文明太后將崩謂武帝曰  
桃符性急汝宜私之矣

齊奴

石崇字季倫勃海清河人苞之子生于青州故小字  
齊奴苞六男崇是小子苞臨終分諸子財獨不及崇  
其母為之言苞曰此兒雖小大能自得拜黃門累遷  
荊州刺史崇有愛婢名翔風魏末於胡市買得年始  
十歲至二十遂有容色妙別玉聲觀寶色石氏之富  
瑰寶皆殊方異國所得莫辨其處翔風別之皆出入  
地崇艷麗者數千翔風以文詞擅愛

綠珠弟子宋綿  
國色善吹簫後

入秦明  
帝宮中

阿童

小名錄



王濬字士治弘農人也小字阿童爲益州刺史時吳  
中有童謠曰阿童復阿童銜刀浮渡江不畏岸上虎  
但畏水中龍羊祜聞之乃表濬監益州加龍驤將軍  
竟平吳謠言應矣

婉淑

賈充字公閭娶李氏名婉淑生二女一曰褒裕二曰  
筌裕李氏父豐被誅李坐流徙充復娶陽城太守郭  
配女槐妬忌甚李氏會赦得還帝特詔充置左右夫  
人充謙不敢當其實畏槐也

銅環

瑯琊恭王觀妃小字銅環生元帝先有讖云銅馬入  
海、建業期後元帝果興於江左

阿戎

王戎字濬冲瑯琊臨沂人祖雄父渾阮籍素與渾友  
年十五在郎舍籍每過渾俄傾輒去過視戎良久方  
出謂渾曰濬冲清儻非卿比與卿言不如共阿戎談  
士季目王安豐曰阿戎阿戎解人語

遙集

阮咸字仲容性任誕不拘小節私姑家之貉婢姑陟  
居初云畱後乃携去咸時居喪聞之借客驢追之連  
騎而返獲議與世廢棄者久之及孚之生也其姑取  
王延壽魯靈光殿賦語曰胡遙集于上楹乃字曰遙  
集仲容每嘆曰我雖失三公然得遙集

阿大中郎

王凝之妻謝氏道韞安西將軍奕之女也初適凝之  
還甚不悅叔父安曰王郎逸少子不惡汝何恨耶荅  
曰一門叔父則有阿大中郎群從兄弟復有封胡暹

末封胡暹末謝  
去輩四小字不意天壤之中乃有王郎

謝暹

謝公田諸子集聚問毛詩何句最佳暹稱曰昔我往  
矣楊柳依依今我來思雨雪霏霏公曰訐謨定命遠  
猷辰告此句偏有騷人深知暹去  
小字暹年少時好着紫  
羅香囊垂裏子叔父患之而不欲傷其意乃譎與棋  
賭賭得乃燒之

謝虎子

桓宣武作徐州時謝奕於晉陵先桓經度懷而無異

常及桓遷荆州時面晤之間意氣甚篤奕弗之疑唯

謝虎子

據小字奕之弟婦王據取太原王輔女名經

悟其旨曰每日桓

荆州用意殊異必與晉陵俱西矣俄而引奕為司馬

奕在溫座席岸憤嘯詠宣武曰我方外司馬

買得郎

桓冲字幼子彝之子溫諸弟中取淹識有武幹溫甚

器之初彝亡弟兄並小家貧母患須羊以解無由得

之溫乃以冲為質羊主甚富言欲為質幸為養買得

郎

冲小字

及冲為江州出射羊主於射堂邊看冲識之

曰買得也遂厚報之冲性儉素常浴後其妻送以新

衣冲怒促持去其妻曰衣不經新何緣得故冲笑而

服之

靈寶

桓玄字敬道一字名靈寶玄南郡被召作洗馬泊船

荻渚王大

王太忱小字也

服散已小醉往看桓玄為設酒

或云

佛大

王大能飲顧左右令溫酒來玄以手巾淹淚王

求去因謂王曰犯我家諱何預卿事王嘆曰靈寶故

自達

語林曰玄木立忌日止忌五時其達而不拘皆此類也

桓循少為玄所侮

每言論常鄙薄之循深以為憾及玄將募循請於母  
度夫人計襲玄度曰靈寶視我為骨肉忍相圖耶循

乃止

循小字阿厓

盤龍

劉毅字希樂彭城人破桓玄以功授都督淮南五郡  
軍事豫州刺史封南平郡開國公都督宣城軍事初  
桓玄在南州起齋悉畫盤龍號盤龍齋毅小字盤龍  
至是居焉

桓鎮惡

桓石虔小字鎮惡豁之子有材幹趨捷絕倫從父在  
荊州於獵園中有猛獸被箭而伏諸督將素知其勇  
戲令拔箭石虔亦跳高於獸獸伏復拔一箭以歸有  
患瘡者呼石虔來疾者多愈

期生

褚爽字茂弘河南人太傅衷之孫祕書監詔之子太  
傅謝安見其少嘆曰若期生爽小字不佳我不復論事  
長果俊邁有風氣

阿大

王忱字元達坦之子王恭隨父蘊在會稽王大忱小字

都來拜墓恭暫往墓下看之二人素善遂十餘日方

還父問何故多日對曰與阿大語蟬連不得歸

又

司馬太傅為二王題目曰孝伯亭亭直上阿大羅羅

清疎

佛大

王衍嘗為天下士題目曰阿平第一王澄小字庾家阿嵩

庾敬第二處仲得第三王敦王孝伯恭字問王大曰阮籍何

如司馬相如王大曰阮籍胸中壘塊故須酒燒之王

佛大笑曰三日不飲酒便覺形神不復相親

赤玉

庾統字長仁衛將軍懌之子也少有令名仕至尋陽

太守簡文曰庾赤玉省率除理謝仁祖當云庾赤玉

胸中無宿物統小字赤玉

嘉賓阿源

郝超小字嘉賓少有才氣越世邁俗常檢語曰大才

繁繁謝家安盛德日新郝嘉賓桓公聞之向佛大歎

語曰嘉賓阿源殷浩字巨源有德有言向使便作令

僕足以儀刑百揆朝廷用違其才耳

袁虎

郝嘉賓書與袁虎寵小字戴安道謝居士云恒任之風

當有所引耳以無常以此激之

阿林

王臨之字仲產僕射彪之子位至東城太守王右軍

曰我家阿林臨之小字情章太出

阿乞

郗恢字道胤小字阿乞王子猷詣郝雍州郗在內見有毳毼云阿乞那得物勅左右送還家郝出覓之曰向有大力者負之而趨郝無忤色

阿齡

王胡之子循齡清約以風操自居才器率衆舉有秀悟小字阿齡謝太傅語劉長卿曰阿齡於此事欲大屬劉曰亦名士之高操者也

阿興

王蘊恭之父也小字阿興世稱苟子秀出阿興清和

小名錄

十三

僧珍法獲

王珣字元琳小字法獲一云阿菘王珉字季琰小字僧珍並有才藝時人語曰僧珍難為兄法獲難為弟

小虎

吳步夫人生二女長曰曾班字虎少曰曾育字小虎

怪名造字

孫休字子烈權第六子即位立子奮為太子乃下詔曰人之有名以相紀別長為作字憚其名矣禮名子欲令難犯易避令為四方作名字太子名奮音如湖水灣瀨

之字蘭

音如迅

次名虎

音如兕

字霽

音如儼

次名龍

音如草

字盥

音如舉

次名

音如哀寬

字焚

音如擁

此都不與世所用同故鈔舊文今造此字既不相配又字但一庶易避也普告天下咸使聞知此名之奇惟故

附于此

朝姝麗居潔華洛寶

孫亮字子明權少子權薨即尊號亮有愛姬四人皆振古絕倫一名朝姝二名麗居三名潔華四名洛寶又作綠琉璃屏風甚薄而徹每月下清夜舒之使四

小名錄  
姬坐屏風內而外望之如無隔唯氣不通耳為四姬  
合四氣香皆異國所出香氣在衣歷年彌盛百濯不  
歌因名百濯香

阿螭

王恬字敬豫小字阿螭少好武不為文公所重丞相

每見長豫

悅字

則喜見敬豫則瞋阿螭基為中興第一

謝公嘗與謝萬其出西過吳阿欲相與萃王恬所

恬時

為吳郡

太傅曰恐汝不必酬汝意不足爾萬猶苦要太

傅堅不迴萬獨往坐少時王便入內謝殊有忻色以

為厚待已良久乃沐頭散髮而出亦不坐仍據胡床  
在中庭晒頭神氣傲邁無相酬對意萬於是乃還未  
至船乃逆太傅曰阿螭不作壘

虎狔虎犢

王彭之字安壽小字虎狔彪之字叔武小字虎犢皆  
彬之子彪之年二十鬢皓白時人號為生白髮為會  
稽內史豪右斂手

又

王右軍在南丞相與書每嘆子姪不令云虎狔虎犢



還其所知

園客

庾翼字稚恭為荊州臨終自表以子園客

庾爰之字仲直小字

自代朝廷慮其不從命未知所為乃其議桓溫劉恢曰使伊去必能克定荊州恐不可復至後果如恢言

桓王

桓伊字叔夏譙國銍人伊少有才藝善音律有柯亭笛常自吹之一日王徽之赴召京師泊舟於青溪側伊素不與徽之相識伊於岸上過船中客稱伊小字

曰桓王也徽之使人謂伊曰聞君善吹笛試為我一奏伊時貴顯素聞徽之名便下車踞胡床作三調弄上車便去主客不交一言一云字子野也

豹奴

崖附

桓嗣字祖恭沖之子也小字豹奴人或謂之桓豹奴是王丹陽混外甥形似其舅桓甚諱之宣武云不恒似時似耳或謂恒侶是形時似是神桓愈不悅

桓允素輕桓崖

桓修小字

家在京下有桃玄連就之遂得佳者玄與殷仲文書曰德之休明肅慎貢其楛矢

如其不爾籬壁間物亦不可得

胡奴

陶範字道則侃第十九子諸子中取知名王修齡嘗  
在東甚貧乏陶胡奴範小字為烏程令送一舟米遺之  
卻不肯取直答語王修齡若饑自當就謝仁祖索不  
須陶胡奴來

盧奴

江斡字仲愷濟陽人父彪僕射斡歷黃門侍郎御驃  
騎諮議王恭請盧奴斡小字為長史晨往詣江江猶在

帳中王坐不敢即言良久乃得及江不應直呼人取  
酒自飲一椀又不與王王乃笑而去

棘奴

後趙石季龍殺勒子弘僭位大饗羣臣於太武殿佛  
圖澄吟曰殿乎殿乎棘子成林將壞人衣季龍令發  
殿石下視之有棘生焉諸石後為冉閔滅畧盡閔小  
字棘奴

阿鐵

石季龍立子邃為太子邃字大淵少而雄慧帝深愛

之及爲嗣每顧左右曰馬家父子兄弟自爲殘滅若其不然吾豈有今日如我當有殺阿鐵理乎鐵遂小字

白瓜

涼天水太守史稷暴疾而死五旬乃書云見涼光殿中皆生白瓜至秦使梁熙至熙小字白瓜

長生桐推

西涼武超王李暠小字長生後立歆字士業玄盛夢爲涼公領涼州牧代沮渠爲蒙遜所殺又燉煌父老

令狐熾家見白頭翁衣袷識曰南風動吹長木胡桐推木中轂言訖不見士業小字桐推至是乃亡

鳳凰惡奴

前燕慕容沖小字鳳凰後燕慕容農小字惡奴

寄奴

宋高祖劉裕字德輿小字寄奴

車兵

少帝義符小字車兵武帝長子

車兒

文帝名義隆小字車兒武帝第三子

道民

孝帝武駿字休龍小字道民文帝第三子

法師

前廢帝子業小字法師孝武長子殘忍無道湘東王  
或廢之

榮期

明帝或字休炳小字榮期文帝第十一子

慧震

後廢帝昱字德融小字慧震明帝長子

智觀

順帝淮字仲謀小字智觀

道隣

廣陵王義直字車士為揚州刺史太后謂帝曰道隣  
汝布衣時兄弟宜用為揚州上曰寄奴為道隣豈有  
所惜但揚州根本所寄事務至多非道隣所了太后  
曰道隣年出五十不如汝十歲兒也上曰車士雖為  
刺史事無大小皆由寄奴道隣年長不親其事則於

聽不足太后默然

王駒

王愉小字駒晉尚書僕射江右冠族子綏亦有重名

劉道民

劉穆之字道和小字道民高祖初剋京城謂何無忌曰急須得一府主簿如何何無忌曰無過劉道民也

何秀

劉秀之小字何秀瑀族叔秀之爲丹陽尹瑀與親故書曰吾家黑面何秀逐居劉安衆處朝廷不爲多士

王鎮惡

王鎮惡祖猛父休五月五日生家以俗忌欲以出繼疎宗猛見曰此非常兒昔孟嘗君以五月五日生而將與吾門矣遂用爲嗣鎮惡後封博陵侯進號征虜將軍

向稱

向靖小名稱與高祖諱同改稱小字今傳稱向稱是也

阿壽

劉敬宣爲青州都督諸葛長民招以同叛敬宣遂遣使呈高祖曰阿壽敬宣小字正謂不負我也

道兒

謝述與劉湛爲異常之交湛美甚有風度謂人曰我見謝道兒未嘗足道兒述小字

客兒

謝靈運小字客兒初錢塘杜明師夜夢中向有人來入館是夕卽靈運生于會稽旬日而謝玄亡其家以子難得遂送靈運于杜治養之十五方還郡故名曰

客兒

虎頭

始興王濬字休明將產之夕有鵬鳥鳴于屋上巫蠱事發上以潘淑曰妃太子圖貴富更是一理虎頭濬小字復如此非思慮所及汝母子豈可一日無我也皆賜死

阿遠

謝弘微父母思武昌太守從叔峻無子峻以弘微爲嗣本名密犯所係內諱故以字稱與族子靈運瞻曜

竝以文義賞會居烏衣巷同遊叔父混敬賞之嘗曰  
阿遠瞻小字剛而負氣阿客博而無檢矐奴才而昧操  
篤善不同設後功濟三子終亦以此為恨微子吾無  
間然

班虎

劉湛字弘仁小字班虎殷景仁與湛俱為太守任遇  
初相欵洽後漸猜隙義康專權而湛昔為上佐以舊  
情自結傾黜景仁義康盡屬湛諸人附欵無復至殷  
氏門湛黨劉敬文父成未晤其機詣景仁求郡敬文  
遽往謝湛曰老父悖耄遂就殷鐵求郡有負生誠闔  
門慚懼其姦諂如此阿鐵景仁小字

范博

范擘字蔚宗父泰母如廁產之額為博所傷故小字  
博

女生

曾爽小字女生祖宗之南陽郡公宗之子軌一名象  
齒即爽之父也

劉胡

劉南陽澗陽人本字初胡以其顏面初黑似胡及長乃單爲胡出牙郡將捷口善處分稍至隊主蠻甚畏之小兒啼怖之曰劉胡來便止

阿舒

陶潛字元亮一字淵明集載責子詩云白髮披兩鬢肌膚不復實雖有五男兒初不好紙筆阿舒已十二懶墮故無匹阿宣行志學而不好文述雍端年十三不識九與七通子垂六齡但覓棗與栗天運苟如此且進杯中物又載與儼等疏云告儼俟份修等云云又有命子詩云三千之罪後寂及成念呱呱聞爾泣卜嘉曰占亦良時名爾曰儼字曰求思按此儼即阿舒也

鮑令暉

鮑照字明遠妹字令暉有才思亞於明遠著香茗賦集行於世

鬪將龍兒

齊高帝名道成字紹伯小字鬪將世祖皇帝熙字宣遠太祖長子生於建康青溪宅其夕陳孝后劉昭后



同夢龍據因小字曰龍兒初高祖在府夢着屐上太極殿三人從一人武帝一人明帝一人張天地圖而不識意言是梁太祖子弟及踐祚常與梁太祖密晏謂曰我辛苦得天下而祚不傳孫我死龍子當得也龍兒龍子死當屬阿度也玄度此後當還卿子

法身

鬱林王昭業字文尚文惠太子長子小字法身文惠薨立爲皇太孫美容止好隸書世祖勅皇孫手書不得妄出意貴重之嘗呼爲法身坐之重幄別撫問卽位不君以罪廢

玄度

高宗明皇帝鸞字栖景始安王道生子小字玄度自宣城王卽位

白澤

文惠太子長懋字雲喬世祖長子小字白澤

阿答

前湘州刺史王蘊太后兄弟有膽力以父楷名官不達將欲自奮每撫劍曰龍泉太阿汝知我者叔父景

文曰阿答滅我門戶蘊答曰與童烏貴賤覺異童烏  
景文子絢小字阿荅蘊小字後與劉康玄粲謀反死

崑崙

王琨祖蒼音衛將軍父懌不慧初不為娶家以貉婢侍  
之生琨遂名崑崙懌後娶南陽樂玄女無子改名琨  
立以為嗣性清慎官至侍中

白象

長沙威王晃宣明太祖第四子有武力太祖愛子臨  
崩以晃屬世祖晃愛武飾鞠罪徐州私載數百人犯  
還都為禁司所覺棄之江水世祖大怒豫章王嶷御  
前稽首涕泣曰晃罪誠不足宥陛下當憶先朝念白  
象上亦垂泣舍之白象晃小字

阿五

武陵昭王曄字宣照太祖第五子母羅氏以罪誅曄  
見愛世祖即位曄數以言語忤旨世祖嘗幸豫章王  
嶷東田晏諸長王獨不召曄嶷曰風景殊美今日甚  
憶武陵上乃令呼之曄善射屢發命中顧四座曰手  
如何上神色甚怪嶷曰阿五常日不爾今日可謂仰

藉天威帝意乃釋阿五擘小字

玉兒

東昏侯潘淑妃小字玉兒帝為潘起神仙永壽玉殿  
鑿為蓮花貼地上令潘妃行曰步步生蓮花常市琥  
珀釵一隻直百七十萬

阿稱

劉瓛字子珪沛郡相人晉丹陽尹恢六世孫少篤學  
博通五經聚徒教授常有數千性至孝祖母病疽經  
年手持膏藥漬指皆爛孔氏甚嚴明謂所親曰阿稱

字 瓛小便是今世曾也謚真蘭先生

張梨

張冲字思約吳人冲出繼伯父景徹景徹字檀父邵  
小字梨宋文帝戲景徹曰檀何如梨徹答曰梨是百  
果之宗檀何敢及

狗兒

張敬兒南陽冠軍人也父醜為郡將母常在田裙拾  
困極乃臥于瀆間夢有物如犬子頭有角砥之因感  
而有娠故小字狗兒宋明帝以其名鄙改焉年少便

馬有膽氣好射虎發無不中累以軍功為南陽守

蠻奴

巴東王子嚮為荊州刺史直閣將軍董蠻奴粗有氣力子嚮要與同行蠻奴曰殿下願如雷敢相隨乎子嚮笑曰君敢出此言亦復奇願上聞而不悅曰人名蠻奴復何容得蘊藉乃改名仲舒

練兒

梁武帝衍字叔達小字練兒

六通

簡文帝諱綱字世讚高祖第三子小字六通

七符

元帝諱繹字世誠高祖第七子小字七符

法真

敬王方智字惠相世祖第九子小字法真

維摩迦葉

昭明太子統字德施高祖長子母曰丁貴嬪小字維摩蕭藻字靖藝少立名行志操清潔善屬文好古體詩高祖每日子弟並如迦葉吾復何憂累遷尚書左

僕射

迦業統  
小字

仙婢

馬仙琕字靈馥小名仙婢長乃改名仙琕善爲將與士卒同勞苦居無帷幕衾屏與廝養取下者同

東里西華南容北叟

任昉字彥升樂安人文章之美冠絕一時官至太常昉有四子東里西華南容北叟俱小名並無術墜其家業劉孝標見昉諸子流離不能自振平生舊交莫有收卹者西華冬月著葛被練裙路逢峻峻惕然矜之乃廣朱公叔絕交論劉漑見其論抵几於地終身爲恨

申子

柳中禮小字申子故庾信哀江南賦云申子奮發勇氣咆噉實惣元戎身先士卒

養矩

謝覽弟舉與王筠王泰俱有令名時人爲之語曰王有養矩謝有覽舉養矩筠泰小字也

阿士

劉孝綽字孝綽幼聰敏能屬文舅王融深賞異之每言曰天下文章若無我當歸阿士阿士綽小字也

大善

羊侃字祖忻少瑰偉身長七尺八寸愛文雅博涉書記關弓至十石嘗於兗州堯廟墻直上至五尋橫行亡迹性豪侈善音律自造採蓮歌甚有新致姬妾列侍窮極侈靡有彈箏人名大善着鹿角瓜長七寸舞人張靜琬腰圍一尺六寸時人咸推能掌上舞又有孫景玉能反腰帖地銜得蓆上玉簪大同中魏使楊裴同晏賓客三百餘人皆食金寶器奏三部女樂至夕侍女百餘人皆執金花燭侃不飲酒而好賓遊終日獻酬同其醒醉

法生

陳高祖霸先字興國小字法生

藥王

廢帝伯宗字奉業小字藥王世祖長子也

師利

宣帝頊字紹世小字師利始興王第二子

黃奴

後祖叔寶字元秀小字黃奴宣帝長子

儉悅

徐陵字孝穆摛之子幼聰敏善屬文為兒時沙門寶誌見之驚曰天上麒麟何因至此小字儉悅

任蠻奴

任忠字奉誠小字蠻奴汝陰人少孤微不為鄉里所重及長詭譎多計後累以戰功進鎮南將軍

黃頭

游雅字伯度小字黃頭廣平任人也太武時與渤海高允俱知名徵拜中書博士

小名錄終

侍兒小名錄

唐 韋莊纂 宋王銍溫豫補

延娟延嬋

周昭王二十四年東甌獻二女一日延娟一日延嬋  
此二人辯口麗辭巧善歌笑步塵無跡行日中無影  
及昭王遊于漢水二女與王舟乘擁夾王身同溺於  
水故江漢之人到今思之立祠於江湄數十年間人  
於江漢之上猶見王與二女乘舟戲於水際

旋娟提漠



傳見小名錄  
燕昭王二年廣延國善舞者二人一名旋娟一名提  
漠並玉質凝膚體輕氣馥綽約而窈窕絕古無倫其  
舞一名縈塵次日集羽末日旋懷昭王知其神異處  
於崇霞之臺王好神仙之術玄天之女托形作此昭  
王之末莫知所在

朝妹麗居洛珎潔華

孫亮作琉璃屏風甚薄而瑩徹每於月下清夜舒之  
嘗與愛姬四人皆振古絕色一名朝妹二名麗居三  
名洛珎四名潔華使四人坐屏風內而外望之了如  
無隔惟香氣不通於外爲四人合四氣香百沆不歇  
名曰百濯或以人名香每遊皆同輿席以前後爲次  
所居室名爲思香媚寢

麗娟

漢武帝所幸宮人麗娟年十四玉膚柔輒吹氣如蘭  
娟身輕弱不欲衣纓拂之恐傷爲痕每歌李延年和  
之於芝生殿旁唱迴風之曲庭中樹爲之翻落常致  
娟於琉璃帳恐垢汚體也常以衣帶繫娟袂閉於重  
幕中恐隨風起娟以琥珀佩置衣中不使人知乃言

媚骨節自鳴相與爲神恠也

### 降仙

隋煬帝宮妃吳降仙善畫長娥眉帝甚憐之由是嬪御皆倣此宮吏日供螺子黛五斛名娥綠而進之帝每倚簾顧之移時不去

### 西施

越王勾踐陰謀吳乃得國中苧蘿山鬻薪之女日西施飾以羅縠教以容步三年使范蠡進於吳夫差大悅

### 蕩蘭

國初朝廷遣陶穀使江南以假書爲名實使覘之丞國李獻以書抵韓熙載曰五柳公驕甚其善待之穀至則果如李所言熙載謂所親曰陶秀實非端介者其守可矜當使諸君一笑因令宿埃騰六朝書半年乃畢熙載使歌姬秦蕩蘭衣弊衣爲驛卒女穀見之而喜遂犯慎獨之戒作長短句贈之明日中主燕客穀凜然不可犯中主持觥立使蕩蘭出歌續斷絃之曲侑觴穀大慙而罷詞名風光好好因緣惡因緣祗

得郵亭一夜眠、別神仙、琵琶撥盡相思調、知音少、再  
把鸞膠續斷絃、是何年、

婁婉

秦少游在蔡州與營妓婁婉字東玉者甚密贈之詞  
云小樓連苑橫空、又云玉佩丁東、別後者是也、又贈  
云天外一鈎橫、月帶三星、謂心字也、

玉環

楊貴妃小字玉環

秋娘

唐杜秋娘金陵女子也、年十五爲浙西觀察使李錡  
妾、嘗爲錡辭云、勸君莫惜金縷衣、勸君莫惜少年時、  
有花堪折君須折、莫待花殘空折枝、長慶中裴航游  
襄漢與樊夫人同舟、樊贈詩云、一飲瓊漿百感生、玄  
霜搗盡見雲英、藍橋便是神仙宅、何必區區上玉京、  
航後經藍橋驛、遇仙女雲英、遂娶之、後俱得仙、

紀陵

表真在豫州、遣女妓紀陵、送薛郭馬三妓與桓宣武  
馬遂生桓南郡、

衛小兒

霍去病父仲孺河東人以縣吏給事平陽侯家與侍女衛小兒私通生去病仲孺吏畢歸家娶婦生光因絕不相聞久之去病爲驃騎大將軍擊匈奴道出河東河東太守郊迎至平陽傳舍遣吏人仲孺趨入拜謁將軍迎拜因跪曰去病不早知爲大人遺體也仲孺叩頭曰老臣得託命將軍此天力也去病爲仲孺大買田宅奴婢而去

承福

晉賈后召愍懷太子入朝置于別室遣婢陳舜賜太子酒三升子辭而不能飲舜逼之曰不孝也天賜汝酒而不飲中有惡物耶太子不得已強飲遂大醉又令小婢承福以紙筆授太子使書之曰陛下不自了吾當入了之字半不成后補成之呈帝廢太子

辟牙

孫綽韓非靈語責李中書曰建元元年六月余家婢辟邪夜眠如夢囈語半時云忽有一老公著黃練巾身短衣長甚自矜厲瞑目切齒云吾是刑名先生韓

非弟子李充日習吾業綜習吾書云云

鸚鵡

宋元凶劭姊東陽公主應閣婢王鸚鵡

瓊樹夜來尚衣巧笑

魏文帝宮中侍女所絕寵者有莫瓊樹薛夜來陳尚  
衣段巧笑四人

紫雲

崔紫雲兵部李尚書樂妓詞華清峭眉目端麗李公  
罷鎮北都爲尹東洛時方家妓盛列諸府有宴臺官

不赴杜紫微時爲分司御史過公有宴故留南行一  
位待之爲訪諸妓併歸北行三重而坐宴將醉杜公  
輕騎而來連飲三觥顧北行回顧主人曰嘗聞有能  
篇詠紫雲者今日方知名不虛得儻垂一惠無以加  
焉諸妓皆回頭掩笑杜作詩曰華堂今日騎筵開誰  
召分司御史來忽發狂言驚滿座三重粉面一時回  
詩罷升車鞞鞞而歸李公尋以紫微送贈之紫微臨  
行獻詩曰從來學得斐然詞不料霜臺御史知愁見  
便教隨命去戀恩腸斷出門時

碧玉

唐右司郎中馮翊喬知之有美妾曰碧玉知之爲之不昏武承嗣借以教諸姬遂留不還知之作綠珠怨詩以寄之碧玉赴井死承嗣得詩於裙帶大怒諷酷吏羅告族誅之

柳條

柳條女奴也成都米市橋僞蜀時有柳條家酒肆蓋當時皆以當壚者爲名柳條偶得患沉綿經歲俟死而已有一道士常來貫酒柳條每加勤奉乃畱丹數

初

粒柳條初服一粒疾起能食再服能行終服克盛如

靜君

元公鎮南海日疽發於鬢氣息惴然忽有一少年道士直來床前謂元曰本師知公病遣某將少膏藥來可傳之元公寵姬號靜君收藥貼之至暮而愈失道士所在

小東

小東長沙之妓女以能詩得幸於馬氏後國入爲郡

窮於京師里而人絕不知余憫其老詢長沙宮中事  
則必南望泣涕而後言因爲作小東詩焉

寵姐

寵姐寧王愛姬王宴客妓妾皆在獨寵姐無得見者  
李太白恃酒強之乃設七寶簾使寵姐隔簾而歌

楚賓

前南鄭尉李雲於長安求納一姬其母未許雲曰予  
誓不婚乃許之號姬曰楚賓數年後姬卒卒後經歲  
遂婚前南鄭沈氏及婚日雲浴於淨室見楚賓執一  
貼藥末徑前謂雲曰誓余不婚今又與沈家作婚無  
物相奉贈君香一帖以資沐浴寫藥末入斛中以釵  
攪水訖而去雲甚覺不安羸困不能出浴遂死肢體  
如綿筋骨並散

鄭櫻桃

石季龍趨捷便弓馬勇冠當時勒深嘉之拜征虜將  
軍爲聘將軍郭榮妹爲妻季龍寵惑優僮鄭櫻桃而  
殺郭氏更納清河崔氏女櫻桃又譖而殺之

雅娘

隋煬帝幸月觀中夜凭蕭妃肩說東宮時事適有小黃門映薔薇叢調宮婢衣帶爲薇刺骨結笑聲吃吃不止帝望見腰肢纖弱意爲寶兒而有私帝披單衣長衫不帶急行擒之乃宮婢雅娘也

櫻桃

霍小玉命侍兒櫻桃褰幃執燭授李生筆硯又取珠絡縫綉囊中出越姬烏絲欄素段以授生生素多才思援筆成章

鮑十一娘

長安中有媒氏鮑十一娘故薛蒼駙馬家青衣也折券從良十餘年矣性便僻巧言詬豪家戚里無不經過追風挾策推爲渠師

紅娘

崔氏鶯鶯婢曰紅娘嘗爲崔持綵牋以授張生

申胡子

申胡子朔客李氏之蒼頭也李氏本亦世家子得祀江夏王廟吾與對舍於長安崇義里遂將衣質酒命余合飲氣熟杯闌因謂吾曰李長吉爾徒能長調不



能作五言歌詩直強回筆端與陶謝詩勢相遠幾里  
吾請撰申胡子感粟歌以五字斷句歌成朔客大喜  
擊觴起立命花娘出幕徘徊拜客稱善三弄於是  
以弊辭配聲與子爲壽

編練

謝秀才有妾編練改從於人秀才引畱之不得後生  
感憶座人製詩嘲謝賀復繼四首

雷尚書

王丞相有幸妾姓雷頗預政事納賄蔡公謂之雷尚

書

仙鷺

唐監察御史清河張佶侍兒仙鷺能歌舞解書翰常  
出使以仙鷺充使典有密知者將發之佶鈞鉅多數  
竟得不發

錄終

詩見

麟書

宋 汪若海著 翁立環校閱

太學生臣汪若海誠惶誠懼頓首頓首謹言臣於十一月二十五日從張叔夜幕中為兵火所逼倉惶走良嶽匿於神運石之下居一夕忽遇磐固侯謂臣曰吾居太湖鴨夷子去越時遺書一編屬吾秘之語甚異殆弗曉昨睹城中惕號暮夜亟鑽火取讀若為今日計者幸上皇遇我素厚吾寧石人不有下邳老父之奇子其為我獻之嗣君臣再拜曰唯唯臣歸而讀

之其引獸合事符應不失如光之與影臣竊論之麟  
書舉天下之獸而言之也論以一網則畢其議矣夫  
網獸之與見網於獸不可不察故曰事貴制人不貴  
見制於人然而用之匪道其道必隱此鴟夷子之所  
以祕之於罍固侯罍固侯之所以歸之於陛下也臣  
聞絃斷不可復續而西國有續絃之膠人歿不可復  
起而神醫有起歿之藥故黃石變化為老父能興漢  
於未萌神運感槩出麟書欲存宋於已壞天授之意  
其實一也臣謹昧歿再拜以聞

中山之山綿地千里東有茂林是為東藪南有茂林  
是為南藪西藪居旁北藪在後三百六十躡實而走

中山謂王室四藪謂四方三百六十謂州郡麟實君之四靈之首猗哉唯

麟元枵之精音中律呂步中規矩遊必擇土詳而後

動。懷仁戴義禮修視明六合同歸天下太平。凡此謂祖宗

示武不用忽於守成。麟有肉角示武不用謂崇觀以來威靈日降火

德大虧。凡麟生於火遊於土故修其母致其子白狼鈞隱騶虞化微歲

星復合。歲星散為麟機星位迷。機星得其斷鰲立極。鰲四足之

獸謂造良嶽獸樽不施。晉書施白獸樽於道能獻直言則發此樽競執虎子。謂倭

麟書

二

在號禿角犀謂不左右前後覆植蒙皮無德而衣朱

側植蒙皮謂澤中夫諸橫流天戒罔憂夫諸之獸見則其邑必大水謂

之麋蒙以虎皮京師不測大水至城下李綱以闔競指鹿謂宦者童

起居舍人言災異反見罷去相不問牛狻容是用乃有攸攸攸攸之

其國多狡容謂蔡攸輩以燕伐燕猾褻是遊猾音滑裏音懷猾

謂蔡攸輩大徭役謂取唇亡齒寒謂遼亡蛇不食猴蛇火也猴

論衡口火勝金何以不食獼猴一豬治燕首鼠兩頭祿山化為一頭

乃投拜於敵於是北藪之兆嶠有異獸射鹿以聲殺人以

耐女真俗勇悍善射能為鹿鳴以呼群鹿而殺之食

侯醒而解合麟滅仇與麟格鬪謂敵與我共取遼終雙雙

俱來公羊傳曰雙雙而俱至有三青獸為一孟極是

覆孟極之獸善伏謂敵用兵尤長於用伏初女真臣

女以供其求不勝其憤遂舉兵背契丹契丹與師誅

之絕女真乃出伏攻之盡走契丹其後女真反深入

契丹契丹悉國之師以禦之女真復由間道斷契丹

之師為二大敗契丹海東謀我山北左衽是守去聲

謂敵我有孽狐素匪粹白謂主和棄鉛刀一割將無

河北我宅挾麈抱薪大河是割按郭璞麟贊麟為靈獸與

副康王奉使其後又使耿南仲聶昌主割河北以界

同體也抱薪謂割地以求安猶抱薪而救火初王雲

奉書

敵 我有解廌觸邪不懼 解廌之獸見邪則觸謂主用兵之臣 北藪與區

何為其與元枵曰然中山率舞 謂上不肯割地而國人皆喜 天禍

中山耕父凌波 耕父遊青冷之淵見則其國敗 天狗電落 天狗所降以戒守禦

其光如雷吳楚七國反時吹過梁野吳楚攻梁梁堅城守遂敗吳楚之兵 是又墜梁之夷門山而我不

知恐懼堅 不恐雍和 豐山有獸曰雍和見則國大恐其神是為耕父 中山所

恃邪界大河倉光弗用 倉光水中之獸善覆人船尚父帥師渡孟津號其眾曰倉

光欲令急渡不 急渡倉光害汝 守以蒲牢 海畔有獸名蒲牢見鯨則畏謂李回為阿河使 異

獸鯨躍魚鼈為橋 北夷東明南渡以弓擊水魚鼈浮為橋 於是中山曾

無闐候以指昌門之練 孔子與顏子俱上魯泰山孔子東南望見吳昌門外有繫練

白馬引顏子指以示之日吳昌門外何有日有繫練雷夫吳千餘里孔顏能知之虜騎入塞直抵城下而

大臣尚不覺斥候不明也 而北荒之獸抵垂天之繒蹈亘野之維

刮野掃地靡不被夷中山之族曾不能一摧其班而

崇林已圍矣且夫越國踰限 謂敵越遼而侵我 輕肆麟趾趨

捷有餘實投歿地 兵法最下攻城 塹以龍淵絡以虎壘 謂王室城

池之 徒擻雷骨夔鼓張勢 流波山有獸其名曰夔擻 以雷獸之骨聲聞五百里

謂敵於城外槌鼓四振不絕 睥睨摩牙未敢輕噬兩者相苦必見

蚌捕漁父寔來唾手可虜 漁父謂 云何黔驢蹄彼彪

虎 黔之驢事載柳子厚集謂郭京出兵郭京者老軍負有術見鬼物如兵馬狀丞相何臬試之畧驗遂

令募兵人聞其多怪且日不戰可致粘罕幹離不之  
 頭於是市人爭赴之不旬日得兵數萬以十一月二  
 十五日出兵陳州門與驢既敗露初太平日久民不  
 敵遇大敗敵遂乘城知兵遇敵則走於  
 是何真諸公為背水陳示兵一進不可復還故郭京  
 盡驅其眾出陳州門外乃拽釣橋陳未畢眾為鐵騎  
 所蹂皆委弓刀於地莫敢彼乃拘怒蠹蠹緣雉如履  
 鬪者往往自投於壕水驢音歡驢疏之獸可以禦  
 平地我無矐疏禦彼一燧火謂敵用火箭燒壞東南  
 敵樓遂我走百群負彼一矢國語獸一介負一矢尚  
 登城可迺有六幟謂敵先插六黑旗於城罔結一解天動  
 地炭或斷尾自免謂兵皆或碎祛宵逸謂斬關麟居  
 五門開明茂崑崙之虛帝之所都而有五門門有  
 一開明獸守之是為百神之所在謂城

破之日宣德門衛上皆散毛屬號呼機駭蠶軼鹿蜀不佩子孫是  
 棄鹿蜀之獸佩之宜子孫謂城麟迺惻然舒節屈狄  
 謂上六蚪弗御匹馬警蹕謂上出南薰門駭不存  
 出郊之地倒手足之義越在草莽自辛至癸凡三唯此獸  
 心厥計甚詭吾居中山沐猴而冠謂敵自言我必得  
 如約交頸相歡謂敵邀上遣中山之族踊躍大喜空  
 其珍怪億萬數計謂國人獻狒狒聞之大笑不已狒狒  
 之獸見北藪置磨謂立四方逐鹿謂割雖得中山何  
 人則笑異空谷挾麟取磨伐木拔根謂邀上遣曹輔取康挾

麟執鹿天下未逐

謂邀上詔勤王之師稱已講和

磨鹿方疑克而無

補磨鹿既定猶之外府果存麟族是自遺虎

謂敵必不存不

存謀異姓

吁嗟我族命垂猋猋

猋猋之獸繫於遇風乃復生謂圍城之人性命甚危

遙噓絃中占磨之風

謂唯恃康王以為命

磨而可取吾屬且虜

謂曹輔詔康王來則中國左袒

磨而自置翟犬可世

趙簡子夢上帝屬一翟犬

趙氏遂昌謂康王當自立則趙氏不絕

安得肫肫之與遊而釋我之憂

也哉

肫肫之獸可以已憂

於是中山之族獯獯迫懼相與謂猋

猋曰固知饕餮之心騁嗜奔欲窮山極海貪殘我族

我族猋夥可以谷量未直其鋒已逆其韁故茲不武

蛾伏北荒雖然孽狐止戈解廌興戎

上既還自青城人皆以講和為

是用兵為非

是邪非邪孰雌孰雄猋猋笑曰今日割北藪

以彌禍明日割西藪以取容中山之地有限而北荒

之割無窮是使中山地弗容錐而吾族不得邪徑而

託足也割與不割是非莫決知和知戰雌雄乃見畜

蠻既多尾將如何

邊境者國之尾謂不早救太原

蠹手斬手蠹足斬

足欲守我林必固我麓滋蔓難圖見兔呼獯

謂敵至城下始

募兵何桌所募謂之六甲兵

如呼小兒安得狡猋

狡猋獅子百獸畏之謂大將

彼獸之蛇必食以獮彼獸之豹必食以駮

獮能食蛇駮能食豹

謂我擇將當勝以攫以拏匪熊匪羆廼喉夷獫狁雖猛

於枯罕幹離不猛尚不可况郭京何為欲以小術取勝是故虎兕出於柙麟可係而

羈也中山之族曰然則何如狒狒笑曰麟出而還是

秦中山謂上得還彼術槩不變於外則係羈復生於

內謂被外事略定毋作由鹿而信其族彼豢之者將

食麟肉由鹿者由鹿嫌以誘致群鹿也取鹿必以鹿

李若水之言李若水則信女真之言麟化白龍羿射爾躬河伯化為白

龍為羿所射訴於上帝上帝反責何伯麟往則拘執獻騶虞周文

不自慎謂上不可再出麟往則拘執獻騶虞主朝麟獻於紂紂見而說之乃免謂上再出必為虜拘

大臣亦無散宜麟走則顛孰載駟驢北方有獸名曰

生行騶虞之計顛得駟驢負之而走謂上遭城破麟放獵狗澆隕厥

首澆與其嫂通少康因獵而殺澆謂虜得我之子女

是時京師無問匹夫麟復何求狐歾首丘謂上往則

匹婦俱欲死社稷麟或可冒兕觸魯縞謂冒圍孰為外助

若歾社稷合彼窮竒是時勤王之師遣使持蠟彈約孰為內助

合我老羆猶蟬鬪虎蜘蛛執豸母言我弱逢彼之賣

吾為此庾孰用斯謀是時虜已破京城不敢赫赫吾

謀甚效母愧謝豹謝豹者人勸之以事不從後化中

麟書

七



山掩衣左之右之

北虜據中原間掩衣之左右

世無老馬吾誰與

歸

管仲征山戎問塗於老馬謂微管仲吾其左衽乎

吾恐楚終欺於秦

秦昭王與

懷王會武關因畱楚王不遣謂上若再之青城必有楚懷之事

而大業之後無難易

之臣矣

公孫杵曰謂程嬰曰立孤與歿孰難程嬰曰歿易立孤難爾公孫杵曰曰子始為其難者

我為其易者乃先歿後程嬰卒立趙氏孤兒謂上儻為虜所畱必無大臣如二子

中山之族

曰然則柰何狒狒笑曰得巴蛇所吐之骨以除心腹

之疾則反縛貳負可使為相顧之尸

巴蛇食象三歲而出其骨君子

服之可除心腹之疾貳負之臣殺襄貳帝乃梏之疏屬之山反縛盜械名為相顧之尸貳負謂二酋不

然吾將反唇蔽目化為山獬之哭矣

山獬之獸見人則哭中山

之族曰反縛之道柰何狒狒乃屏去左右授以秘計

此時鴟夷子適遊中山目擊中山之事乃潛書之以

為一筭

鴟夷子曰麟百獸之長也一跌於北荒遂屈節於異

類失麟之為麟矣貽狒狒之笑宜哉北荒園中山業

已講解狒狒猶笑而不知止因以得笑疾故其後裔

見人則笑嗚呼屈於百世之上不能伸於百世之下

理固然也人或負世之累豈惟舉世笑之惟來世

允以為口實可不圖哉越遭吳難辱甚中山於是鴟

夷子出麟書一編越王勾踐讀之曰嗟乎寡人甚羞夫狒狒者鴟夷子曰王如甚羞夫狒狒則請授以秘計勾踐遂欲聞秘計鴟夷子曰事以密成語以泄敗大王不密則國人與聞國人不密則吳人與聞曾未足以肥越而適足以重越之禍矣勾踐曰今日之言出於子口入於子耳而已幸毋過慮於是勾踐卒授秘計反滅強吳抗衡上國鴟夷子之力也鴟夷子屢徙立名其於世飄然若不繫之舟其好釋亂解紛迺出於天性誠有所不忍異時或有所不忍當以麟書

揣之其意以爲魚不可脫於淵神龍失勢則與蚯蚓同故持其網而驅之麟書所以制天下之命也當世莫之能用而功亦不能以自見豈鴟夷子計有然否哉時有遇不遇也於是鴟夷子念世無可與共成功者託趨之事以敘麟書云爾

南方有黑魚懼物之得已則吐墨以自蔽然漁者視墨之所在則知魚之所潛矣是自蔽者乃所以自媒也靖康丙午冬王地失守太學汪君東叟寫以麟書俾一時廢興之迹昭若日星且曰未平定

吾不可以求進也故託名鳴夷子將以自蔽然作  
如是文書如是事安得以自蔽邪單單以求者將  
不免於子矣雖然子其謹之願子從九畹不願子  
從敝笱子其謹之丁未春正月十日拼欄鄧肅書  
司馬長卿作大人賦詼詭譎怪不可致詰然意實  
有在漢武帝蓋未之知也汪子之為麟書蓋得法  
於此予固知之矣呂本中書

麟書終

尤射

魏 繆襲註 錢懋選校閱

口贊從王圯厥德縱射觀游罔度獲尤于上天口遂

戒旃觀游內讎擷盡也俊民于時誦太史胴采似姓名

作尤射志俊也

粵稽觀射口氏口烈黨毘諧悛苦濬靖言其德也都淑奕

珎允魏恂繹令順懿揚言其威儀也有聞旁外三十有

一載射口乃踣艘于門爰賂于江以搜厥媯有牟有

撫有慳有馮日寡人爽義爽于義謂射也罔日弗俚惟媯咨

尤射

人亦有言惟天斯地惟文斯武

諉射不可已也

媿罔紆

下多鳳凰來儀此錯簡當在有聞旁外之下

右稽觀第一

□□□我報聘于王亦亟曰求仇二月□□邁射大

闔于江麋弗逆

尤自此也故有後戒

有撻于厥中艘于鑠射退

我旋于王惟辰心弗逞釗抽厥畢惟脅閱艱邁惟曰

河濁有清寧朕挺于倚清哉清哉余惟辰慎哉

闕

右報聘第二

□□戊□又通射于林丘旋有非六月□□命浹錫

我以言格我以詠辰我惟禋曰厲哉宿哉浹再格曰

厲我于時聿厥撫曰小子敬告惟略朕詠渝朕殺朕

殺庸悃恩戎以詹惟忱以延朕弗德罔承譬華輶

車軸

也而朽枕賦襦而敗裳奚據偶已冒子之錫敢弗薄

以副格錫畢惟對厥錫□□□□□□□□惟乃兢

兢罔化于朕躬允若時辰乃朕扈乃錫于萬億禩罔

悛□□諷逞由時罔夙夜達厥問

先求得其歡心然後諫于射□□□

賦我思二章

此句當在浹再格曰厲下□

右遇射第三

喘有事于江麋姦芋興咎我灼裨書訓之九日烏乎

天產吉人挺吉惟寡稟敬采事閒躬罔弗終輕采慢

躬罔獲濟古哲有言輕火略焚慢水略溺烏乎戒哉

地匪履勿履采匪迪勿迪謹于行事上下驛明也爰

易釐陰陽鏞正也爰罔僭嚴于治國戒自茲哉古容

成氏獵于江百辟弗邇中央氏選于應門百姓躊躇

豨雅豕也競食于槽靡或訾鳳鳥妄攫有師具嘒自茲

聳願也勿恣厥遊妄奔傷足恣遊圯度采蹈于尤靡

笙也躬協于義靡忒也俾惟曰甫田弗悉去厥

莠大璧弗悉去厥瑕辰肆于觀游亦惟割于乃懿問

俾惟曰吳大也墻底壞胎杪穴喬木底朽胎趙蠹辰

檢于厥身亦惟光于乃令德奚臧否于朕觀所指者廣□□□

□□□□□警戒劬釗朕觀惟辰迹迹不必及射翼

而射在其中射□疾旃于時亟悛可謂善諫矣

右尤戒第四

□□□□我贈玉藉芳報如旃罔藉惟惟曰侯乃已

敦芳奚席于寡人侯□□我贈元毛報如旃□□錫

實以糊憐我滋逞賦無衣于時辰期于江門奄矐筵

罔逆辟惡也侯□□上國之香龕□蠶香辰易□□

□夢月墜于前興賦詩曰明月爛兮何以有翰兮疇

曰匪觀兮迹印之館兮□□我獻箴嘉旃□□我有

松丘之志將會曰侯俾俾訣迺曰寡人弗德幼弃于

我前社嗣罹多艱茲恃乃以薄苟捐何有即弗有寡

人將弗有爽匪艾疇又厥中罔中惟乃中厥行罔行

惟乃行厥言罔言惟乃言若苗方萌弗耕弗耘弗有

旋成熱也若雞方卵弗伏弗道弗有晨寡人侯媿媿姓卿

名媿媿侯艾時依艾之松丘時斃寡人觀觀斃善從

艾苦哉弗苦何眷也而松丘之茹腆服珎止抑嬉愉

何弗苦也肆當之責其去國也于辰我請戾于西殿侯魏

盈焉弗格惟錫醴餼饒饒我逞弗瞑眩弗克樹侯聆

覆馮以掩錫我寶枕軫也玉席箠也命寧□□命空

于期門弗邁□□□甘露降于時辰奏樂名曰玉

華曲名也靡辰罔奏盛□□合□侯古寶古圓二辰錫

我一辰易如香□□□乃會八乙卯甲子侯月會

丙子丙辰侯日會癸亥戊辰侯歲會侯時會二咸以

戊子尋好也□□我辰奏篋牒匪攸匿然以服辟泄

也□侯□聘我元玉上等玉□誓也錫書弗藉善聿書曰

觀恂立誓筵罔底貳攸貳于厥中有如大江于厥內

宮昭告皇天□□□既而賦大車之末章藏于盟府

□□侯曰寡人惟背回也反言若治而曰亂也若在疾匪藥焉有

瘳背寡人將以仲秋之望□□錫我寶環拒鬯一鹵

我拜錫□□望不果背奏書寓忱我庸對曰曩我逃

罔或布厥愍幸乃射恣于游射恂失德展乃皇天置

介俾觀觀其乘合我展嘉天之賜自茲迄茲靡有忒

賜胎即命我背寧甲子追侯小罔大失厥胎衷我展

憾于古有姦咎我憾姦逝厥咎覆射于令德垂禔于

子孫顯問於後葉憾乃蘊于乃躬靡獲釋茲侯曰監

空異辰豈胎衷胎易我玉莫已膺茲拒我背莫已葯

胎戒乃射莫罔躬茲睽曩誓莫罔人良苗恒昧于秋

穫晴夙恒昧于昏雨首臧末否鮮末然我焉獲乃終

以憾寧靡盟府曩誓匿申永言曰東園有水其名曰

李招我于園曰請食爾恒繁者萃恒鮮者子命乎命

乎吾將去此書□□有□□責其侯諷有赧監慚黷

請于時我監空以上乃□□□□□□□□□□

七寸

五

右贈玉第五

侯□□產厥令幼墜于學我憫旃函純成

筆也

葯黜

墨也

丹牒勝書訓曰維鑛弗鑠終匪金維人弗學終

匪彥肆古聖后勤劬靡怠聞旃大庭有懿元妃名曰

無設大庭墜勅鄉厥學畀策三千有奇俾抽中宮采

采糊厥躬無設服于靡斲日昏衍輯采藏錠蠶于學

恒悖虜以狃鷄鳴宿桂瞻厥采旬日之夕僅一瞑暮

茨然有成庸作大庭之歌白鶴悟悟朱鸞籥籥

梧梧鳴聲

籥籥絡降于厥宮無設弗厲祥礪弗憇再暮而後咏

明月敷厥行爍暉罔晝貳學若時焉弗學而可底時

侯念于茲內朕訓奏純成葯黜暨丹牒輿眎玄以妙

惟乃索心以從斯罔俾無設專顯于大庭朕嘉乃錫

惟芋維秋九月拜丹牒于內殿夜殿以佔異有獲

右學訓第六

侯冬十月□□有東之役我弗送□□我賦卷耳之

首章□歸自東我弗克逆皆道我□□我東厥駕□

賦伯兮之二章我賦鴟鴞之三章□□我暨繹示之

圃而旋闕



右東役第七

維三十有三載克終我訓令于辭民歌曰瞻彼世兮

靡有雙曩謂蛇兮今則龍何必佔畢盤游是從□□

□□□□□□□□□□侯時□內豫信信腆致

我玄韜一兩苴歛二布之貴重者寶珠二圓丘石一

次玉出海□□我報以承澤二寶扇也出侯永寶□□

外神山□□□□□□□□□□  
□□□□玄韜履也

右腆致第八

春正月□□越□日□□我報□□之聘遂館旃屨

仵問仲秋之背厥庸則書寓我曰欽拜稽首糊言鳥

乎浸遜予觀弗克儀惟弗天屬罹凶旋扞于邛下若

糜鹿之在厥藩若野鳥之在厥笈靡敢藐也逸乃德

展麗濬深也侯悒悒于厥哀罔攸寧金疇弗曰厥孔

堅恒液于厥熾淵疇弗曰厥孔深恒測于厥泳狎至

也予觀之弗誼夫情厥惟恂堅監深哉允逾于淵金

夫嘗察越于觀胡鮮違于茲厥言幼聆諸黃耆農侯

貪耕卒有穫女侯貪績卒有織夫惟庸固越乃心後

惟終獲遂乃願烏乎允監哉予觀靡啻若厥魚跬步

離水罔靡悔苟離未悔食言乃厥譱辰也此章我

庸作答曰猷祗膺乃告昭乃忱攸隱辰弗辰侯予墜

焉憾若侯躬隱譬苗之式雨厥旱罔天咎咎侯苗譬

瞽之式相厥顛罔相咎咎侯瞽予攸弗辰或咎乃允

若乃告予誕大也禋茲藉右人厥一人辰借升若降

厥心弗朝印罔益厥一人逃越參若商厥心辰在若

若何貪若其靡曰寧逃乃心允一予紆背厥罔憾苟

設貳辰在予側亦罔光允若乃告予誕禋予惠乃徽

柔獲乃徽言服乃慰卽浸逃乃徽言辰冀嗚呼乃射

勿申盤厥門又戒射人胥譁張皇匪乃之皇慶尚惟

背世音似有行文此章

右糊言第九

已巳召會于呂圃弗至□□庚午我申欵采越石志

遇也欵刻也□□越□□□采事□夏五月□□越□□

□寅籍詩騰我志服也其一曰鷄鳴歐歐聲也明燈

皙皙音制摩彼華衾彼疎之三載在是薄言眠之爛

矣初製賦也三載而若初其二曰方舠伊何榜人擊

鼓其聲撞撞歷我江滸思子不見踣然獨舞賦也

子也其三日昔我遯子齒齒歲蕤今我懷子有蒲參

差日月疾邁永矣我思賦也其四曰青青綠竹蔭我

宮墻馥馥幽蘭發我堂廂堂之左廂安得覲子薦以兕

觥賦也其五曰曰汗印手十彼清水丹魚羣游衍衍

其體彼何修斯天佑之祉賦也美佑祉于魚悼已不天也其六曰歷

觀重門以眺玄里楊柳方方倉庚嘒止願乘行雲言

覲君子賦也

右志服第十

六月□□我尋盟侯錫書曰赤帝肆毒金石具泐請

紆厥會商弗果顛蒼實監侯厥攸行我躓闕文

右赤帝第十一

□□□□錫我紫綃之幃黃金飾□秋□□寒盟我

弗豫于時曹侯斬好斬求也闕文

右紫幃第十二

癸酉歸我以承澤□□乙亥錫我服屬觀寶器也冬至

□□□日卜夢其繇曰有女嬀娥坐彼虎子有窺厥

牖展侯吉士卜人曰有女有士陰陽協也虎子威始

也窺牖通明也陰陽既協威始而通明罔弗吉尤利

于射于時又縱射觀游我戒之□□□丙子錫我菡  
萑鴛鴦壁障觀造也躬視其造□寶重也□□□□□

右承澤第十三

十一月□□我卜會其繇曰言索其絢觀光于朝卜  
人曰索絢合也觀光于朝丕慶哉載其繇曰有芳其  
香侯合合止曰已合也而芳在其中君罔攸疑會也  
□□薛伯葬□侯先往我侯弗邁闕文

右卜會第十四

戊寅越七日壬子吉實至于呂圃有陳侯之會我西  
弗邁我賚書曰屬古□□夏□□越茲疇曰厥弗逃  
卒未獲丕會侯微茲乃命厥軼匪乃忱何底時予方  
迫于費會陳侯辰維鼻孟陬禽儀草震東風丕會匪  
茲疇攸善予何弗辰乃弗在館疇式授凡筵疇式蠲  
飲食疇式羞戾疇式逆逝疇式送徒劬于乃躬罔繇  
丕會乃越上何仇予越下何戾上下天地也俾若時譬舟  
之幾覆暨孺而風憇譬大旱踰獲而降霖若弗憇弗  
降鬱陶乎厥衷予雅靡攸如乃弗格已行午格邁已  
逾辰格焉汗勝焉予中靡攸泊若子雁越海若鰥賈

之止于遐夷芒芒曷獲次尚乃弗罪厥弗迂予欽辰  
辰空乃駕 闕文

右實至第十五

□□丁丑我有京師之役我賚以華虫 帶鉤也 報我趾

澤之履

趾澤在真臘西出奇錦

□□我歸自京師

闕

右華虫第十六

□□癸酉我賚以追捫

寶扇名

藉用芳報我襦褌

寶器也

奠交也

闕

□乞膚金

即今銀也

于我

右追捫第十七

右雨會第十八

闕

四月□□成命史于京師發黃金廿兩

兩一車兩輪也

五月

哉生明□□□□□□□□丁未錫我辟邪流蘇

五色錦幃

闕

許報合

右命史第十九

□□□□復射禮也□□□□書曰渡于鳩水舍

厥禽獲越子里先得金嗣射從時昌子孫惟振振永

膺天休


闕

右復射第二十

允寸

上

尤射終



煎茶水記

唐 張又新撰 李流芳校閱

故刑部侍郎劉公諱伯芻於文新丈人行也為學精博頗有風鑒稱較水之與茶宜者凡七等

楊子江南零水第一

無錫惠山寺石水第二

蘇州虎丘寺石水第三

丹陽縣觀音寺水第四

揚州大明寺水第五



吳松江水第六

淮水最下第七

斯七水余嘗俱瓶於舟中親挹而比之誠如其說也客有熟於兩浙者言搜訪未盡余嘗志之及刺永嘉過桐廬江至嚴子瀨溪色至清水味甚冷家人皆用陳黑壤茶潑之皆至芳香又以煎佳茶不可名其鮮馥也又愈於揚子南零殊遠及至永嘉取仙巖瀑布用之亦不下南零以是知客之說信矣夫顯埋鑿物今之人信不迫於古人蓋亦有古

人所未知而今人能知之者元和九年春子初成名與同年生期于薦福寺余與李德垂先至憇西廂玄鑿室會適有楚僧至置囊有數編書余偶抽一通覽焉文細密皆雜記卷末又一題云煮茶記云代宗朝李季卿刺湖州至維揚逢陸處士鴻漸李素熟陸名有傾蓋之權因之赴郡泊揚子驛將食季曰陸君善于茶蓋天下聞名矣况揚子南零水又殊絕今者二妙千載一遇何曠之乎命軍士謹信者挈瓶操舟深詣南零陸利器以俟之俄水

至陸以杓揚其水曰江則江矣非南零者似臨岸  
之水使曰某擢舟深入見者累百敢虛給乎陸不  
言既而傾諸盆至半陸遽止之又以杓揚之曰自  
此南零者矣使蹶然大駭伏罪曰某自南零齋至  
岸舟蕩覆半至懼其勦挹岸水增之處士之鑿神  
鑿也其敢隱焉李與賓從數十人皆大駭愕李因  
問陸既如是所歷經處之水優劣精可判矣陸曰  
楚水第一晉水最下李因命筆口授而次第之

廬山康王谷水簾水第一

無錫縣惠山寺石泉水第二

蘄州蘭溪石下水第三

峽州扇子山下有石窅然洩水獨清冷狀如龜形俗云蝦

廬口水第四

蘇州虎丘寺石泉水第五

廬山招賢寺下方橋潭水第六

揚子江南零水第七

洪州西山西東瀑布泉第八

唐州柏巖縣淮水源第九

淮水亦佳



廬州龍池山嶺水第十

丹陽縣觀音寺水第十一

揚州大明寺水第十二

漢江金州上游中零水第十三水苦

歸州玉虛洞下香溪水第十四

商州武關西洛水第十五未嘗泥

吳松江水第十六

天台山西南峰千丈瀑布水第十七

柳州圓泉水第十八

桐廬嚴陵灘水第十九

雪水第二十用雪不可太冷

此二十水余嘗試之非繫茶之精麗過此不知也夫茶烹於所產處無不佳也蓋水土之宜離其處水功其半然善烹潔器全其功也李實諸司馬遇有言茶者即示之又新刺九江有客李滂門生劉魯封言嘗見說茶余醒然思往歲僧室獲是書因盡篋書在焉古人云瀉水置瓶中焉能辨淄澠此言不必可判也萬古以為信然蓋不疑矣豈知

天下之理未可言至古人妍精固有未盡強學君子孜孜不懈豈止思齊而已哉此言亦有裨於勸勉故記之

大明水記

歐陽修

世傳陸羽茶經其論水云山水上江水次井水下又云山水乳泉石池漫流者上瀑湧湍漱勿食食又令人有頸疾江水取去人遠者井取汲多者其說止於此而未嘗品第天下之水味也至張又新爲煎茶水記始云劉伯翕謂水之宜茶者有七等又載羽爲李

季卿論水次第有二十種今考二說與羽茶經皆不合羽謂山水上而乳泉石池又上江水次而井水下伯翕以揚子江爲第一惠山石泉爲第二虎丘石井爲第三丹陽寺井爲第四揚州大明寺井爲第五而松江第六淮水第七與余說相反季卿所說二十水廬山康王谷水第一無錫惠山石泉第二蘄州蘭溪石下水第三扇子峽蝦蟆口水第四虎丘寺井水第五廬山招賢寺下方橋潭水第六揚子江南零水第七洪州西山瀑布泉第八桐栢淮源第九廬山頂水

第十丹陽寺井水第十一揚州大明寺井第十二漢  
江南零水第十三玉虛洞香溪水第十四武關西路  
水第十五松江水第十六天台千丈瀑布水第十七  
柳州圓泉水第十八嚴陵灘水第十九雪水第二十  
如蝦蟆口水西山瀑布天台千丈瀑布皆羽戒人勿  
食食而生疾其餘江水居山水上井水居江水上皆  
與茶經相反疑羽不當二說以自異使誠羽說何足  
信也得非又新妄附益之耶其述羽辯南零岸水特  
怪其妄也水味有美惡而已欲舉天下之水一二而  
次第之者妄說也故其爲說前後不同如此然此井  
於揚水之美者也羽之論水惡。淳。浸。而。喜。泉。源。故。井  
取汲多者江雖長流然衆水雜聚故次山水惟此說  
近物理云

浮槎山水記

歐陽修

浮槎山在慎縣南三十五里或曰浮巢二山其事出於  
浮圖老子之徒荒恠誕妄之說其上有泉自前世論  
水者皆弗道余嘗讀茶經愛陸羽善言水後得張又  
新水記載劉伯芻李季卿所列水次第以爲得之於

羽然以茶經考之皆不合又新妄狂險譎之士其言  
難信頗疑非羽之說及得浮槎山水然後益之羽爲  
知水者浮槎與龍池山皆在廬州界中較其味不及  
浮槎遠甚而又新所記以龍池爲第十浮槎之水棄  
而不錄以此知其所失多矣羽則不然其說曰山水  
上江次之井爲下山水乳泉石池漫流者上其言雖  
簡而於論水盡矣浮槎之水發自李侯嘉祐一年  
李侯鎮東留後出守廬州因遊金陵登蔣山飲其水  
又登浮槎至其山上有石池涓涓可愛蓋羽所謂浮  
泉漫流者也飲之而甘乃考圖記問故老得其事迹  
因以其水遺余於京師余報之曰李侯可謂賢矣蓋  
窮天下之物無不得其欲者富貴之樂也至於蔭長  
松籍豐草聽山溜之潺湲飲石泉之滴瀝此山林者  
之樂也而山林之士視天下之樂不一動其心或有  
欣於心願力不可得而止者乃能退而獲樂於斯彼  
富貴者之能致物矣而其可兼者惟山林之樂爾惟  
李侯生長富貴厭於耳目又知山林之爲樂至於攀  
緣上下幽隱窮絕人所不及者皆能得之其兼取於

物者可謂多矣李侯折節好學善交賢士敏於爲政  
所至有能名凡物不能自見而待人以彰者不榮其  
物未必可貴而因人以重者有矣故予爲誌其事俾  
世知奇泉發自李侯始也

記終

